

mit einem Schiff gleicher massen zu Lande gefahren / vnd hat einer auß denselbigen die gedachte Fahn in seiner Hand getragen / vnd sie gar wunderlich geschwungen / eine lange Oration oder Rede zu dem Engelländer gethan / vnd in dem reden seine Fahn dem Engelländer für seine Füße niedergelegt / welches dann der Engelländer wol in acht genommen / vnd sich gleicher massen geberdet vnd gestellet. Darauff haben die Wilden weiters angefangen zu tanzen / zu springen vnd zu singen / vnd hat der eine vnder ihnen dem Engelländer ein ledern Ketten / daran Wierschneden sehr künstlich gemacht waren / sampt einem Wier vnd Feder / welche er auff dem Ohr truge / verschret / der andere aber hat ihm ein / ohne Spiz gegeben : Vnd diesem hat der Engelländer wider ein Messer / dem andern aber einen Hut vnd Handwehl verschret / vnd darauff haben sie alle drey einer den andern bey den Händen genommen / vnd angefangen zu singen vnd zu tanzen : Hier zu ist noch ein ander Engelländer kommen / welchen der ein Wilde entgegen gangen / vnd ihm / wie dem vorigen / eine Ketten verschret / vnd widerumb von ihm ein Messer vnd ein klei-

Da Wilden
Gitter und
Geberde im
zusammen-
tunffien.



nes Stück Erß angenommen. Darüber seyn sie nun alle vier sehr froh worden / haben gelachet / vnd einander grosse Freudenzeichen gegeben : Für grosser Freude haben die Wilden bald ihnen selber / bald den Engelländern mit der Hand auff die Brust geschlagen : Derohalben so haben die Engelländer durch gewisse Zeichen vnd Gebärden an sie begehret / es sollen doch ihrer der Wilden noch zweien sampt den andern beyden mit ihnen gehen / damit sie Essen vnd Trinken auß ihrem Schiff tragen / vnd mit einander essen vnd trincken mögen : Es haben aber die Wilden ihnen auch durch Zeichen vnd Gebärde